



ARUBA ANSE COURANT



Diario



pa Aruba



INSTALA AIREACON-
DICONADO NA BO
cas AWOR!
Tel. 2170



Anja 23

DIASABRA 16 SEPTEMBER 1961

No. 4142

LLOYD G. SMITH A SCOHE ARUBA PA REFINERIA DI LAGO

ORANJESTAD — Awe mainta a tuma luga na Oranjestad inauguracion dje monumento di defunto Senjor Lloyd G. Smith, prome president-director di e refineria cu awor nos conoce como Lago. Pa medio di esaki anto pueblo di Aruba a demonstra honor na un homber na quende Aruba tin hopi di gradici.

Pasobra ademas cu e tabata un di esnan cu a scohe Aruba como e lugar na unda e refineria mester a ser estableci, e tabata ademas e homber cu a demonstra su mes tanto den administracion diario dje empresa discreto di e tempo ei, como tambe p'afo di dje como un gran amigu di Aruba.

Sr. Smith a drenta servicio di Standard Oil Company (Indiana) como „drafsman”, un puesto discreto. Danki Dios pa su inspiracion helder i e enorme cantidad di energia di cual e tabata dispone, el a crece den curso di anjanan na un experto reconocí riba terreno di refinacion i proporcionnan inter-americanos. Sr. Smith a administra e refineria na Aruba foi anja 1933 te anja 1947, den cual anja el a ser traslada pa New York, pa aya e ocupa e puesto di vice-president di Creole Petroleum Corporation. El a bai cu pension na April 1956 i a muri dia 9 di september 1958 den su cas na Media, Pennsylvania na edad di 67 anja. Dia cu el a bai cu pension e tabata president di Camara di Comercio Venezolano na Estados Unidos i miembro-directiva di Panamerican Society of United States i directiva tambe di Sociedad Bolivariana i United Seamen's Service.

Sr. Smith a termina su estudionan na universidad di Illinois, na unda el a conquista su título di „ingénieur”. Despues el a hanja inmediatamente un empleo

cerca refineria di Standard of Indiana na Whiting, Ind. Aya el a ocupa diferente puesto di abao te ariba. Na anja 1922 e tabata voorman-general. E puesto aqui el a ocupa cinco anja, despues el a ser traslada pa Pan American Petroleum & Transport Co. na New York, unda el a bira asistent-manager; aqui el a ser encarga cu e refineria cu nan a pensa na establece na Aruba, mescos tambe cu cinco otro refineria. Na anja 1932 Standard Oil Co. (N.Y.) a cumpra e propiedadnan exterior di Pan American Petroleum & Transport Co., pa cual motibu Sr. Smith a muda pa New York, na oficina di Standard Oil N.Y., unda di nobo el a ser encarga cu cuido di operacionnan na Aruba, Tampico, Mexico.

Na October 1933 Sr. Smith a ser traslada pa Aruba unda el a bira manager-general di Lago. E siguiente anja el a ser scohe den raad van bestuur. El a

ser nombra na anja 1944 como president-directeur dje refineria. Tabata durante tempo cu Sr. Smith tabatin mando cu e refineria na San Nicolas a extende mas tantu i durante segundo gera mundial tabata produci hasta un decimosexto parti di e consumo total na productionan petrolero di trupanan aliado. Como reconocimiento pa su meritonan Sr. Smith a ser nombra pa La Reina Wilhelmina como commandeur den orden di Oranje Nassau. E siguiente anja Sr. Smith a bandona Aruba pa ocupa na New York e puesto di vice-president i raffinage-manager di Creole.

El a ser sucedi pa Sr. J. J. Horigan.

Cu masha demonstracion di honor e monumento di defunto Senjor Lloyd G. Smith a ser inaugura pa un nieta dje defunto, Sita Suzan Smith, dilanti teatro arubano den presencia di esposa dje defunto Sr. Smith i un numero di autoridanan.